

枕碧樓叢書

第十五冊

四庫館舊鈔本

來鶴亭詩集

來鶴亭集序

蘇之邑凡六大率風浮俗淖大家尙氣勢交關貴人視
文藝蔑如也獨崑山多才子魁出者往往稱呂袁袁曰
子英呂曰敬夫也兩人爲詩風流俊采皆一時之選予
固未能優劣之予詩喜體古樂府子英雖多爲予和之
敬夫又必爭鳴于右自上京以至宮闈江南謠弄凡
若干首敬夫作黃 繕寫成要予評且曰予詩非先
生勿能知勿能知能評者寡矣知而能評而引說於其
首舍先生誰人哉曰嘻詩有情有聲有象有趣有法有

體而禪巫之提唱武士之叫呼文墨生之議論不在有
焉故子每評詩不有其有不有其不當有者皆非詩也
姑以商之又草野煙蘿邊塞臺閣之不無異也談詩者
以地異律焉易地則不能也予觀敬夫未必不能朝廷
侍從才也敬夫在野而蔚然之言足以鐘鼎一時侍從
焉於戲人之才也又何以地律哉雖然吾於敬夫不無
感者矣代有蘭臺芸閣之居而其言覆野俾誦敬夫之
言其不泚然在穎者敬夫可以予說出之矣至正七年
三月三日鐵篴老人會稽楊維禎序

欽定四庫全書總目

來鶴亭詩八卷補遺一卷

浙江鮑士恭家藏本

元呂誠撰誠字敬夫崑山人工於吟詠詩格清麗與同里郭翼陸仁袁華相唱和嘗於園林蓄一鶴後有鶴自來爲伍因築來鶴亭併以名其詩集考集中第一卷多嶺南詩二卷有洪武辛亥南歸重渡梅關詩云去年竄逐下南溟萬里歸來鬢已星辛亥爲洪武四年是明初嘗謫遷廣東已而赦歸其緣何事獲譴則不可考第八卷詩內有洪武癸

酉紀年癸酉爲洪武二十六年而楊維禎前序作
於至正七年丁亥至是已四十七年計其時誠亦
耄矣諸書皆稱呂處士無言其嘗仕於明者則仍
元遺老也集不知何人所編維禎序稱嘗和其古
樂府自上京至江南謠弄若干首今集中皆無之
則原序雖存詩已多所散佚非其原本又顧嗣立
元人百家詩選稱其尙有旣白軒竹洲歸田諸藁
人所見者惟此集或維禎所言在其他集之內歟

來鶴亭集卷一目

游石湖次五峯李著作韵

和張伯雨鶴亭夜作韵

懷遷善齋寄希先生

立春日試筆

送道士鄭家泉北上

寄謝張貞居所惠詩文

池亭雅集得回字

戲賦禁體雪

暮春鶴亭漫興

次韵答郊九成蘇城冬夜

寄周子固先生

登蘇臺懷古

賦帶露櫻桃

秋晚

巢雲爲道士賦

李五峯伯雨廉夫希仲集來鶴亭上

上柏臺

栖雲爲玉山僧賦

七月十五夜看月得明字

南海道中

大庾嶺留題

南行舟中

胥山晚泊

過十八灘

滇陽峽山飛來寺

番禺漫興

南海口號六首

越樓觀燈

粵王臺懷古

游白雪山

訶林光孝寺方丈

琪林留題

玄鶴

落星渚

小孤山夜泊

來鶴亭集卷一

遊石湖次五峯李著作韵

三月石湖湖水涯繞城山色過楞伽隊隊行春柘枝鼓
陰陰新雨石楠花

和張伯雨鶴亭夜坐韵

草閣清宵中淦淦蒼簑四壁影疏疏天頭雲過多於鴈
池裏星移或似魚

懷遷善齋寄希先生

絕愛徵君齋閣好哦詩竟日未能來橋頭梔子侵江色

坊裏洞花覆雨開

立春日試筆

正月一日立春日已喜冰霜昨夜除
闔闔青雲扶帝座
東南佳氣滿坤輿
玉盤綵縷誰能共
雪樹梅花正待舒
坐憶故人春雨裏
草堂尊酒幸相於

送道士鄭家泉北上

一道熒光指北辰
七星文劍爛如銀
上皇頻賜霜莖露
阿母時迎九色塵
靈籟滿旗飄婀娜
卿雲圍蓋護輪囷
天門夜奏金龍簡
願祝無爲壽聖人

寄謝張貞居所惠詩文

外史高居靈石塢湖山寂寂重餘榮平生道園虞太史
故人聖井薛玄卿手捉麈尾玉同色眼看鷗波秋與明
五十篇詩句句好小箋龍鳳字縱橫

池亭雅集得回字

池閣清冷曉四開風泉滿院殷輕雷謝家草色侵衣上
司馬琴聲到幕回瓊樹亞枝飛鶴子紅梁醺甲鳳蠡杯
諸郎醉墨淋漓甚未絕風流宋玉才

戲賦禁體雪

翦水仙人駕玉虹散花來自藥珠宮
入埏總入洪濛內
萬象同歸太素中
鵬影翩翩微映月
蝶羣陣陣巧隨風
謝家此日誇清辯
鹽絮由來未健工

暮春來鶴亭漫興

綠樹軒窗燕子過
清陰密覆小陂陀
笙調鳳咮新黃翠
礎潤龜趺宿雨多
落絮遊絲空散漫
野情幽思欲如何
日長倦倚烏皮几
間染霜毫試行波

次韵答鄒九成蘇城冬夜

哦詩起坐城頭屋
梅氣生寒近榻前
鐘鼓時聞高閣報

雁鴻或與斷雲連
好懷憶得幽人共
清事多爲百慮牽
我有草堂池水上
思歸明日買吳船

寄周子固先生

汝南先生予所欽
暮年築室大江濔
妙傳邵子先天學
獨得濂溪太極心
金鼎芙蓉長候火
雪巢風月自鳴琴
期君乞與青囊術
草閣梅花重一臨

登蘇臺懷古

一月長洲花亂開
酒酣攜客一登臺
繞城山色臨吳會
滿地溪聲走越來
北闕天高星使下
西陵日落釣船迴

獨參泰伯荒祠在煙雨金鋪長綠苔

賦帶露櫻桃

萬綠叢中綴木難折來靈液尙漙漙玉纖香剝鷄頭輒
仙掌寒分鶴頂丹天酒淋漓樊子醉月盤璀璨漢臣看
不妨更漬薔薇水潤我談玄舌本乾

秋晚

雞號天未明柝靜四鄰寂疏星如聯珠殘月懸殿壁風
清鶴在林露重水成滴危坐絕百非嗒然喪形質大明
啟東方雲霞半空赤

巢雲爲道士賦

道士煉白雲構之玉山腹可泊兼可栖非槎復非屋盤
礴太素中萬象入毫粟朝驂一青鸞暮返兩黃鵠駕言
往從之期君大丹熟

李五峯伯雨廉夫希仲夜集來鶴亭上

璆璆環珮玉鏘鳴夜燕蓬萊魏叔卿饕餮雷文商爵古
騶虞雪操舜琴清藏闔座暖春屏錦舞劍星流壁月城
客散瑤臺風露冷夢中時見許飛瓊

上柏臺